

0277

R B123 AAB

MAHATHIR - UMNO R R R R

1985

BATU PAHAT, 28 JUN (BERNAMA) -- DATUK SERI DR. MAHATHIR MOHAMMAD HARI INI MENDEDAHKAN ADANYA GOLONGAN UMAT ISLAM DI NEGARA INI YANG TERLALU FANATIK AKAN MAZHAB ATAU KUMPULANNYA SEHINGGA SANGGUP MENGENEPIKAN KEPENTINGAN ISLAM KESELURUHANNYA.

MENURUT PERDANA MENTERI TERDAPAT RAMAI ORANG ISLAM YANG BEGITU TAKSUB TENTANG MAZHAB ATAU KUMPULANNYA SEHINGGA SANGGUP BERBUNUH UNTUK MENEGAKKAN MAZHABNYA SAHAJA, KEPENTINGAN DIRI SENDIRI DAN BUKAN KEPENTINGAN ISLAM KESELURUHANNYA.

ORANG-ORANG SEUMPAMA INI HANYA MEMBAWA PADAH BURUK KEPADA ISLAM SENDIRI, KATANYA KETIKA BERUCAP KEPADA BERIBU-RIBU ANGGOTA UMNO BAHAGIAN PARIT SULONG DI SEKOLAH KEBANGSAAN SERI SEJATI, PARIT BASRI KIRA-KIRA 20 BATU DARI SINI.

+ WALAU PUN KITA TIDAK SUKA MELAWAN MEREKA TETAPI KITA MESTI MENUNJUKKAN KESALAHAN MEREKA KEPADA DUNIA SUPAYA MEREKA DAPAT DIKEMBALIKAN KE JALAN YANG BENAR + KATANYA.

PRESIDEN UMNO ITU MENEGASKAN UMNO TELAH DIWUJUDKAN SEMATA-MATA UNTUK KEPENTINGAN DAN PERPADUAN ORANG MELAYU DAN UMAT ISLAM DI NEGARA INI.-- LAGI.

2035MST 28 06 85

0245

R B125 AAB

MAHATHIR - UMNO 3 BATU PAHAT R R R R

UNTUK ITU ORANG MELAYU HARUSLAH BERSATU PADU DALAM BARISAN UMNO SUPAYA PERISTIWA-PERISTIWA YANG TIDAK DIINGINI SEPERTI YANG BERLAKU DI LEBANON DAN PALESTIN DAPAT DIHINDARI DI NEGARA INI.

DATUK SERI DR. MAHATHIR SEDIH DAN MENYESALI PERBUATAN GOLONGAN ISLAM SYIAH YANG SANGGUP MEMBUNUH ORANG-ORANG PALESTIN DI SABRA DAN SHATTILA YANG DAHULUNYA ORANG-ORANG PALESTIN ITU DIBUNUH OLEH PEJUANG-PEJUANG KRISTIAN LEBANON DENGAN SOKONGAN YAHUDI.

+ GOLONGAN SYIAH ITU KINI MENJALANKAN KERJA ORANG-ORANG YAHUDI, MEREKA MEMBUNUH ORANG-ORANG ISLAM DENGAN TUJUAN MEMENUHI KEHENDAK DAN MENYELAMATKAN ORANG-ORANG YAHUDI + KATANYA.

PERDANA MENTERI BERKATA DISEBABKAN OLEH PERPECAHAN DI KALANGAN UMAT ISLAM DI ASIA BARAT MEMBOLEHKAN ORANG-ORANG YAHUDI YANG KECIL BILANGANNYA TELAH DAPAT MENEWASKAN MEREKA.

DALAM HUBUNGAN INI KATANYA UMAT DI MALAYSIA HARUS BERSATU PADU UNTUK MENGUKUHKAN KUASA POLITIK MEREKA DISAMPING BERUSAHA MEMPERTEGUHKAN KEDUDUKAN EKONOMI MEREKA .

YANG HADIR IALAH KETUA PERGERAKAN PEMUDA UMNO ENCIK ANWAR IBRAHIM YANG JUGA MENTERI PERTANIAN DAN KETUA PERHUBUNGAN UMNO NEGERI JOHOR DATUK AJIB AHMAD YANG JUGA MENTERI BESAR JOHOR.--BERNAMA 2039MST 28 06 85